

Broj: 01-16-12-2230- 8 /22Banja Luka, 22.12. 2022. godine

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13 i 91/17), člana 25. Zakona o Upravi za indirektno oporezivanje („Službeni glasnik BiH“ broj: 89/05), člana 64. stav (1) tačka b) i člana 70. stav (3) Zakona o javnim nabavkama („Službeni glasnik BiH“ broj: 39/14), Direktor Uprave za indirektno oporezivanje, d o n o s i

O D L U K U

o izboru najpovoljnijeg ponuđača u otvorenom postupku za nabavku i isporuku pametnih kartica (Smart card)

I

Najpovoljnijom ponudom u otvorenom postupku za nabavku i isporuku pametnih kartica (Smart card), ocjenjuje se ponuda ponuđača „LANACO“ d.o.o. Banja Luka, Veljka Mladenovića bb, čija ukupna cijena ponude iznosi 1.199.800,00 KM bez PDV-a, odnosno 1.403.766,00 KM sa obračunatim PDV-om..

II

Izabrani ponuđač „LANACO“ d.o.o. Banja Luka, Veljka Mladenovića bb, u svojoj ponudi je dostavio dokaze tražene tačkom 7.1.3. Tenderske dokumentacije (ovjerene kopije), te nije u obavezi njihovog ponovnog dostavljanja.

III

Po okončanju roka za žalbu, Ugovorni organ će sa izabranim ponuđačem zaključiti Ugovor kojim će se regulisati međusobna prava i obaveze.

O b r a z l o ž e n j e

Odlukom direktora, broj: 01-16-12-2230/22 od 14.10.2022. godine, odobreno je provođenje otvorenog postupka za prikupljanje ponuda za nabavku i isporuku pametnih kartica (Smart card). Procjenjena vrijednost nabavke iznosi 1.200.000,00 KM bez PDV-a. Sredstva za javnu nabavku su osigurana u Budžetu/Finansijskom planu ugovornog organa na poziciji 6134.

Slijedom navedene Odluke, dana 21.10.2022. godine izvršeno je objavljivanje Obavještenja o nabavci broj: 743-1-1-92-3-81/22 na Portalu javnih nabavki.

Zajedno sa objavljivanjem Obavještenja o nabavci na Portalu javnih nabavki, izvršeno je i objavljivanje na WEB sajtu Ugovornog organa- UIO.

Dana 12.12.2022. godine u 12.30h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija je pristupila javnom otvaranju blagovremeno pristiglih ponuda.

Na osnovu Izvještaja o preuzimanju Tenderske dokumentacije od strane ponuđača, utvrđeno je da je Tendersku dokumentaciju za nabavku i isporuku paketa pametnih kartica (Smart card) preuzelo 25 ponuđača.

U Zapisniku o otvaranju ponuda broj: 02-16-12-2230-6/22 od 12.12.2022. godine, Komisija je konstatovala da je blagovremeno dostavljena jedna ponuda, i to ponuda ponuđača:

- „LANACO“ d.o.o. Banja Luka, Veljka Mladenovića bb,
te da je isti u svojoj ponudi iskazao cijenu, kako slijedi:

Naziv ponuđača	Ukupna cijena ponude	Ponuđeni popust
„LANACO“ d.o.o. Banja Luka, Veljka Mladenovića bb	1.199.800,00 KM bez PDV-a, 1.403.766,00 KM sa PDV-om	NEMA

Komisija je na zatvorenoj sjednici pristupila postupku preispitivanja dostavljene ponude u smislu kvalifikovanosti iste, shodno uslovima propisanim u Tenderskoj dokumentaciji za nabavku I isporuku paketa pametnih kartica (Smart card), broj: 01-16-12-2230-1/22 od 20.10.2022. godine, te je nakon izvršenog uvida u dostavljenu ponudu, utvrdila da:

- Ponuda ponuđača „LANACO“ d.o.o. Banja Luka, Veljka Mladenovića bb, broj: PO-03-2581/22 od 12.12.2022. godine ispunjava sve zahtjeve Ugovornog organa koji su definirani Tenderskom dokumentacijom.

Tačkom 3. Tenderske dokumentacije propisano je, između ostalog, da se u slučaju prijema jedne prihvatljive ponude E-aukcije ne može zakazati, već da se postupak okončava u skladu sa članom 69. Zakona o javnim nabavkama.

Nadalje, tačkom 9.1. Tenderske dokumentacije propisano je da se u skladu sa članom 64. Zakona o javnim nabavkama ugovor dodjeljuje ponuđaču koji je ponudio najnižu ukupnu cijenu tehnički zadovoljavajuće ponude.

Slijedom navedenog, a s obzirom da je ponuđač „LANACO“ d.o.o. Banja Luka, Veljka Mladenovića bb, dostavio tehnički zadovoljavajuću ponudu, kao i da je njegova ponuda u okviru procijenjene vrijednosti predmetnog postupka nabavke, to je Komisija dala preporuku direktoru UIO da se u otvorenom postupku za nabavku i isporuku pametnih kartica (Smart card), najpovoljnijom ponudom ocijeni ponuda ponuđača „LANACO“ d.o.o. Banja Luka, Veljka Mladenovića bb, čija ukupna cijena ponude iznosi 1.199.800,00 KM bez PDV-a, odnosno 1.403.766,00 KM sa obračunatim PDV-om.

NAPOMENA: Izabrani ponuđač „LANACO“ d.o.o. Banja Luka, Veljka Mladenovića bb, u svojoj ponudi je dostavio dokaze tražene tačkom 7.1.3. Tenderske dokumentacije (ovjerene kopije), te nije u obavezi njihovog ponovnog dostavljanja.

Prihvatajući prijedlog Komisije, odlučeno je kao u dispozitivu ove odluke.

Pouka o pravnom lijeku: Ponuđač koji smatra da je Ugovorni organ u toku postupka izvršio povredu odredbi Zakona o javnim nabavkama ima pravo uložiti žalbu.


Žalba se podnosi Uredu za razmatranje žalbi putem Uprave za indirektno oporezivanje, Ulica Bana Lazarevića bb, Banja Luka, u pisanoj formi u tri primjerka, u roku od 10 dana od dana prijema ove odluke.

Shodno članu 108. Zakona o javnim nabavkama žalilac je obavezan platiti naknadu za pokretanje žalbenog postupka.

Uplata naknade vrši se u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama („Službeni glasnik BiH“, broj: 86/14).

Dostaviti:

1. 01,
2. 02/1x2,
3. Arhiva.



DIREKTOR

Dr Miro Džakula
Dr Miro Džakula